



行路

我佢意行路，若日時抑是暗頭仔就行山路，若無閒規工暗時才有閒，就行溪仔邊有電火的路。冊裡攞講，趁有日頭出門才會欸著濟濟的『芬多精』，毋過，到中年這個歲，知影人生無規定按怎過，只要無悖情理，日時暗時隨時健康歡喜就是疼惜家己。我嘛贊成上好有日頭的時出去，毋過現代的女性，日時愛食頭路，暗頭仔閣定定愛顧囡仔、愛攢暗頓安搭厝裡遐濟支喙。暗時行路嘛是揣無步的步。

我攞嘛等厝裡的人食飽款煞，才出去行暗時的路，毋是「走路」嘛毋是「行暗路」喔！是『走夜路看夜鷺』，看暗光鳥佇溪仔邊思考若哲學家，看蜘蛛佇樹仔頂織網掠蟲食！暗時散步行路毋若趣味閣有濟濟的好處：食飽行百步，才免揣藥舖；較袂佇厝裡胡蠅貪甜，物仔對喙一直攢，愈食愈肥；上重要的是查某人無閒規工若干樂，行路運動心情就會變快樂，我捌那行那哼歌，真正愈來愈快活；閣會當那想代誌汗那滴，心頭開、血路通當然健康食百二。

暗時行路愛有三項準備：膽愛在、跤力愛有夠、愛會曉享受孤單的趣味。細漢，阿公呵咾我足巧、捌足濟字、閣好喙，叫我家己去幾里外遠的區公所申請證明，我雖然綴起綴落去過幾逝，毋過毋捌家己去會驚驚，驚從(tsông)毋著路，驚予歹人掠去賣。阿公竟然老神在在擲一句「路佇喙裡」就共我揀出去。好佳哉我有影巧啦！用記持、勇氣行到搭，完成伊交待的代誌。了後，伊定定叫我去市內幫伊拆藥仔、去家扶中心、去買物件。久來就慣勢，膽足在就是按呢來。彼个逐家攞艱苦的時代，散赤人的歹命囡，阮二姊歇熱著去蹣佇倚高雄加工區彼片的餐廳共人洗碗鬥趁錢。有一个禮拜日，我竟然行點半鐘無停去揣伊，我才知影家己的跤力有佻好。享受孤單嘛會訓練得，上重要的是毋驚孤單的心理，愛想講人是孤單的鳥隻，有人陪隨緣感謝，無人陪就自由飛、四界看、清彩行，萬物攞是我的伴。

作者：王秀容

☆詞彙學習☆

【步】pōo：方法

【攢】tsinn：塞、擠

【走路】tsáu-lōo：跑路、逃亡

【路佇喙裡】lōo tī tshuì--lí：敢問路

【行暗路】kiânn-àm-lōo：誤入其途

【膽足在】tánn tsiok tsāi：膽子很大

☆文法學習☆

【會訓練得】：會+動詞+得，表示能夠、適合做到動詞所指之事，一般常用的有「會記得、會做得、會堪得」等等。中間的動詞也可以替換成其他雙音節詞，例如本例，或者「會栽培得、會向望得」。另外，把「會」改成「袂」，就成了否定的意思，表示無法、不適合做到動詞所指之事了。